

جریدہ علیہ

مشیت جلیلمہ اسلامیکہ جریدہ رسیہ سیدر

اوائل صفر ۱۳۳۳

عدو: ۸

آیدہ بر نشر اولنور

برجی سنہ

برات شریف



« صانع اکوان جلالت واضع میزان عدالت خالق اعظم ومعبود معظم تعالی وتقدس »
 « حضرت تبری مجله کائناتک شیرازه انتظامی اولان عدلی امر وفرمان ونبی حکیم خدا »
 « ودر یتیم فصحاء علیه اکمل التحایا افدمن حضرت تبری عدالتک قدر بالاترین کوه کزین »
 « بلاغته توضیح و بیان بیورمش وبشریتک رفاهیت وسعادتی نعمت عدل ایله حاصل »
 « وسالکین شاهراه عدالتک صدر بلند اجر وسعده واصل اوله جنی درکار بولمش »
 « اولوب سنکه مخرج پایه لولرندن اقضی قضاة المسلمین اولی ولایة الموحدين ادرنه »
 « مرکز قاضیسی مولانا سلیمان سری افندی زید فضائله سک بولندیغک سلك قضاده »
 « ابراز رویت و لیاقت و وثوق واعتماد عامیه مظهریت ایله ممتاز وشایسته توقیر واعزاز »
 « اولدیغک حیثیتیه بالفعل شیخ الاسلام ومفتی الانام اولوب برنجی رتبه عثمانی ومجیدی »
 « نشان ذیشانلرینی حائز و حامل اولان اعلم العلماء المتبحرین افضل الفضلاء المتورعین »
 « ینبوع الفضل والیقین مولانا خیری افندی ادام الله تعالی فضائله تلخیصی اوزرینه »
 « قانون اساسیمزک سکسان برنجی و ۷ رمضان سنه ۱۳۳۲ تاریخلی قانون هایونمک »
 « ایکنجی ماده لری حکمنه توفیقاً اشبو برات شریفی ویردم و بیوردم که مسلك تریه »
 « عدل وحقانیتده دائم وقانون اساسیمزک مارالذکر سکسان برنجی ماده سنده معین »
 « حقوق وامتیازاته نائل اوله سنک تحریراً فی الیوم التاسع عشر من شهر محرم الحرام لسنة »
 « ثلث وثلثین وثلثمائة والف »

